

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
Sektor za pravne, kadrovske, logističke poslove, edukaciju i analitiku
SARAJEVO

Broj: 02/5-1-02-2486
Datum: 24.04.2018. godine

MUP KANTONA SARAJEVO
n/r ministra

MUP KANTONA SARAJEVO
n/r sekretara Ministarstva

PREDMET: Inicijativa za izmjenu Zakona o policijskim službenicima Kantona Sarajevo;

Dana 21.02.2018. godine u službenim novinama Federacije BiH br.13/18, objavljen je Zakon o penzijskom i invalidskom osiguranju, koji je stupio na snagu osmog dana od dana objave. Navedenim Zakonom, u članu 40. propisano je da pravo na starosnu penziju ima osiguranik kada navršši 65 godina života i najmanje 15 godina staža osiguranja, odnosno najmanje 20 godina penzijskog staža ili kada navršši 40 godina staža osiguranja bez obzira na godine života. Članom 23. istog Zakona propisano je da se pod stažom osiguranja podrazumijeva staž osiguranja sa efektivnim trajanjem i staž osiguranja sa uvećanom trajanjem, dok je članom 22. propisano da penzijski staž na osnovu kojeg se ostvaruju prava iz penzijskog i invalidskog osiguranja obuhvata staž osiguranja i poseban staž, kao i vrijeme koje se računa u penzijski staž po propisima koji su važili do stupanja na snagu ovog zakona, ako ovim zakonom nije drugačije određeno.

S tim u vezi, kako je članom 122. stav (1) tačka c) Zakona o policijskim službenicima Kantona Sarajevo („Sl. novine Kantona Sarajevo“ br. 25/06 i 4/08), propisano da radni odnos policijskog službenika prestaje kada navršši 65 godina života i zakonom propisani penzioni staž ili 40 godina penzionog staža osiguranja, jasno je da postoji nesklad između ova dva Zakona u pogledu uslova za ostvarivanje prava na starosnu penziju, zbog čega predlažemo da se u hitnom postupku izvrši izmjena Zakona o policijskim službenicima Kantona Sarajevo radi usklađivanja istog sa novim Zakonom o penzijskom i invalidskom osiguranju.

Naime, prema naprijed navedenim odredbama Zakona o policijskim službenicima Kantona Sarajevo, koji je lex specialis za policijske službenike, poslodavac je dužan prekinuti radni odnos policijskom službeniku kada navršši 40 godina penzionog staža. Međutim, kako novi Zakon o PIO kao uslov za starosnu penziju propisuje navršenih 40 godina staža osiguranja, to u ovom slučaju policijski službenik kojem bi se prekinuo radni odnos u skladu sa važećim odredbama Zakona o policijskim službenicima KS ne bi mogao ostvariti pravo na starosnu penziju kod FZ PIO/MIO.

OTPREMLJENO
25-04-2018

S tim u vezi, uvažavajući stav predstavnika Ministarstva rada i socijalne politike Federacije BiH, koji je bio izlagač/predavač tokom savjetovanja na temu „novi Zakon o PIO/MIO Federacije BiH“, i preporuku da se u što kraćem roku izvrši usklađivanje važećih zakonskih i podzakonskih propisa kojima se reguliše radno-pravni status uposlenika sa novim Zakonom o PIO, te da se „zastane“ sa donošenjem rješenja o prestanku radnog odnosa zbog navršenih 40 godina penzionog staža, kako to propisuje važeći Zakon o policijskim službenicima Kantona Sarajevo i Zakon o namještenicima u organima države službe u Federaciji BiH, to Uprava policije inicira HITNU izmjenu Zakona o policijskim službenicima Kantona Sarajevo, obzirom da se zbog neusklađenosti propisa ne donose rješenja o prestanku radnog odnosa po ovom osnovu uposlenicima ove Uprave.

POLICIJSKI KOMESAR
Generalni inspektor policije

Mevludin Halilović

